

<County: Yorkshire North Riding>

<Code: 1211>

<MS reference: Northallerton, North Yorkshire County Record Office, ZDS I 1/56>

<Text: Power of attorney>

Till all yas yat yir *presentes letres* sall see or here . John~ de Neuyll Lord latymer and of Danby
 sendys gretynge in god . Knawe 3e me enterly
 desirand y^e gude *gouernance* . safe and reste of my Ministers tenant3 and sugett3 . and that my
 maners landes and tenement3 be vphaldenn & sustened in gude
 and couenable estate efter my power~ . and y^t nan oppression~ wrange no harme be+done agayne
 right and reson~ to my forsaide Ministers tenant3 or
 sugett3 in any *partie* with-in my lordschippes with-in 3orkeschire ; and hertely traistand in ye grete
 lewete and gode discrecion~ of my dere &
 traisty frende George of Etton@ . for till haue ordayned and deputed ye forsaide George *Gouernour*~
 and ouersear~ of my Ministers and tenant3
 and sugett3 abouensaide . and yat my maners landys and tenement3 be vphalden and sustened
 resonably be my fermers Ministers and tenant3
 in gode and sufficeant estate as it is abouensaide . Willand ouer and giffand full power by yir *letres*
 to ye forsaide George for to ouersee
 all my Ministers fermers and tenant3 with-in my forsaide lordschippes . yat yai do right and reison~
 till ilk+man@ compleynant and that in
 defaute of yaim y^e forsaide George tham gere do right and reson~ . and ouer yat for to compelle
 resonably all my fermers and tenant3
 with-in my forsaide lordschippes at ilka+tyme yat nede be to mayntene and vphalde my maners
 landes and tenement3 abouensaide in
 gode and sufficeant estate worshipec and *profit* of me . Comandand be yis *letres* my fermers Ministers
 and tenant3 with-in my forsaide
 lordschippes yat yai be obeisant or bowand and entendant to y^e forsaide George in ye thynges
 abouensaide . and in all other~ that may turne
 to worshipec and *profit* of me and in amendement or saluacion~ of my lordschipe abouensaide .
 Hauand stedefaste and estable yat
 at the forsaide George sall do to ye worschip~ and to y^e *profit* of me in ye thynges abouensaide . In
 witnes of ye whilk thynges to yir
letres J haue set my seall for to laste vn-to y^e forsaide Georg discharged to lefe be my-n+awn body
 Wretyn at Synelyngton@ ye . viij .



The Middle English Grammar Project | Department of Cultural and Language Studies |
Faculty of Arts and Education | University of Stavanger | N-4036 Stavanger |
www.uis.no/research/culture/the_middle_english_grammar_project/

day of May<ill><smudge></ill> Jn ye 3ere of our~ lige lord y^e kyng . henry fowrte eftir ye conquest
of Jngland Fifte